

## ՀԱՇՎԵՏՎՈՒԹՅՈՒՆ

- 1. ԳՈՐԾՈՒՂՎԱԾ ԱՆՁ**  
Մովսես Վարդանյան
- 2. ԶԲԱՂԵՑՐԱԾ ՊԱՇՏՈՆԸ**  
«Հայկական Ատոմային Էլեկտրակայան» ՓԲԸ գլխավոր տնօրենի առաջին տեղակալ-ՀԱԷԿ-ի տնօրեն
- 3. ԳՈՐԾՈՒՂՄԱՆ ՎԱՅՐԸ/ԺԱՄԿԵՏԸ**  
Սլովակիայի Հանրապետություն, քաղաք Բրատիսլավա, նոյեմբերի 7-ից 10-ը, 2023թ.
- 4. ՀՐԱՎԻՐՈՂ ԿՈՂՄԸ**  
Սլովակիայի Հանրապետություն
- 5. ԳՈՐԾՈՒՂՄԱՆ ՆՊԱՏԱԿԸ**  
Մասնակցություն 2023թ. նոյեմբերի 8-ից 9-ը ԱՄՆ Պետդեպարտամենտի FIRST ծրագրի շրջանակներում Բրատիսլավա քաղաքում (Սլովակիայի Հանրապետություն) Phoenix նախագծի (անցում փոքր մոդուլային ռեակտորների) մեկնարկին նվիրված սեմինարին:
- 6. ՔՆՆԱՐԿՎԱԾ ԹԵՄԱՆԵՐԸ**  
Իմ և ԱՄՆ Պետդեպարտամենտի ներկայացուցիչներ՝ Ջաստին Ֆրիդմանի և Անն Գանգերի հետ քննարկվել են ՀՀ էներգետիկայի ոլորտի զարգացման օժանդակության ծրագրին համապատասխան, միանգամից երկու կենսական նշանակության նախագծերի իրականացումը՝ Հայկական ԱԷԿ-ի թիվ 2 էներգաբլոկի շահագործման ժամկետի կրկնակի երկարացումը և այդ էներգաբլոկը փոխարինող նոր ատոմակայանի կառուցումը:
- 7. ՀԱՆԴԻՊՈՒՄՆԵՐԸ, ԵԼՈՒՅԹՆԵՐԸ, ԲԱՐՁՐԱՑՎԱԾ ԿԱՄ ՔՆՆԱՐԿՎԱԾ ՀԱՐՅԵՐԸ**  
Մասնակիցներին բացման խոսքով ողջունելուց և հանդիպումը պաշտոնապես բացելուց հետո համակարգողները ներկայացրեցին հանդիպման նպատակներն ու խնդիրները, ինչպես նաև երկօրյա հանդիպումից հետո ակնկալվող արդյունքները: Առաջին և երկրորդ օրերի ընթացքում օրակարգի համաձայն ներկայացվում էին պրեզենտացիաներ, տեղի էին ունենում խմբային հանդիպումներ, այնուհետև՝ քննարկումներ ավելի փոքր խմբերով:  
Այս օրերի ընթացքում ունեցա մի շարք հանդիպումներ տարբեր ընկերությունների և ծառայությունների ներկայացուցիչների հետ: Մասնակցեցի Միջուկային էներգիայի ինստիտուտի կողմից կազմակերպված ցանցային նստաշրջանին, այնուհետև Atlantic Council-ի, Deep Isolation-ի, Excel Services-ի, NuScale Power-ի, Sargent և Lundy-ի ներկայացուցիչների հետ մասնակցեցի ակտիվ քննարկումների:


**8. ՀԱՆԴԻՊՄԱՆ ԿԱՄ ՀԱՎԱՔԻ ԺԱՄԱՆԱԿ ԸՆԴՈՒՆՎԱԾ ՈՐՈՇՈՒՄՆԵՐԸ, ՊԱՅՄԱՆԱՎՈՐՎԱԾՈՒԹՅՈՒՆՆԵՐԸ, ՍՏՈՐԱԳՐՎԱԾ ՓԱՍՏԱԹՂԹԵՐԸ**

Phoenix նախագծի մեկնարկին նվիրված սեմինարի և միջոցառման արդյունքում Հայկական ԱԷԿ-ը բազմաթիվ առաջարկվող ընկերություններից և ծառայություններից կարողացավ ընտրություն կատարել, ինչպես նաև նախնական կերպով նշեց մեր երկրում ապագա էներգետիկ տեխնոլոգիաների օգտագործման որոշ ծրագրեր և հեռանկարներ: Սեմինարը բավականին արդյունավետ և օգտակար էր Հայաստանի համար ապագա էներգետիկ տեխնոլոգիաների ընտրության տեսանկյունից: Հանդիպման ավարտին կազմակերպիչների կողմից ընդգծվեց սույն ծրագրի շարունակական լինելու կարևորությունը: Սեմինարի ավարտին մասնակիցներին տրամադրվեցին միջոցառումներին վերաբերող նյութեր:

**9. ԱՌԱՋԱՐԿՈՒԹՅՈՒՆՆԵՐԸ, ԴՐԱՆՑ ԸՆԹԱՑՔ ՏԱԼՈՒ ՎԵՐԱԲԵՐՅԱԼ ԱՌԱՋԱՐԿՆԵՐԸ՝ ԵՂԱՆԱԿԸ, ՁԵՎԸ, ԺԱՄԿԵՏՆԵՐԸ, ՊԱՏԱՍԽԱՆԱՏՈՒՆԵՐԸ, ԱԿՆԿԱԼՎՈՂ ԱՐԴՅՈՒՆՔՆԵՐԸ**

Քննարկումներն ու բանակցություններն ընթացել են առողջ և կառուցողական, բարենպաստ աշխատանքային մթնոլորտում, և բավականին արդյունավետ են եղել այցի նպատակին հասնելու տեսանկյունից: Հարկ եմ համարում ընդգծել, որ համատեղ աշխատանքը, փոխադարձ աջակցությունը, տեղեկատվության և լավագույն փորձի փոխանակումը բավականին օգտակար կլինեն մեր ծրագրերի, հեռանկարների իրականացման և կատարելագործման համար:

«ՀԱԷԿ» ՓԲԸ գլխավոր տնօրենի  
առաջին տեղակալ- ՀԱԷԿ-ի տնօրեն



Մ. Վարդանյան